



JAVNA USTANOVA ZA PREDŠKOLSKI ODGOJ I OBRAZOVANJE

„NAŠE DIJETE“ TUZLA

KREČANSKA BROJ 3, 75000 TUZLA

ID BROJ: 4209046740000 CENTRALA/FAX: +38735369920

n-dijete@bih.net.ba www.nasedijete.ba

Na osnovu člana 70. i člana 88. Zakona o javnim nabavkama („Sl. glasnik BiH“, broj: 39/14), člana 27. Pravilnika o javnim nabavkama Javne ustanove za predškolski odgoj i obrazovanje „Naše dijete“ Tuzla, a na prijedlog Komisije za javne nabavke, direktor Ustanove donio je sljedeću

ODLUKU

o izboru najpovoljnijeg ponuđača

I

Kao najpovoljniji ponuđač u postupku nabavke radova - *radovi na ugradnji prozora na objektu „Poletarac“* za potrebe JU „Naše dijete“ Tuzla, provedenog putem konkurentskog zahtjeva za dostavljanje ponuda, izabran je „Tehnometal“ d.o.o. Zenica.

II

Zadužuje se stručni saradnik za poslove javnih nabavki da obavijesti sve ponuđače o izboru najpovoljnije ponude iz člana I ove odluke.

III

Zadužuje se Služba za pravne, kadrovske i opće poslove da pripremi sve predušlove za zaključenje ugovora sa izabranim ponuđačem po proteku predviđenih zakonskih rokova i procedura.

IV

Vrijednost ove nabavke iznosi 19.200,00 KM bez PDV-a, i ista se uklapa u procijenjenu vrijednost nabavke iz Plana nabavki za 2019. broj 166/2019, red. br. radovi 3., šifra JRJN 44221100-6.

V

Odluka stupa na snagu danom donošenja.

OBRAZLOŽENJE

Na osnovu Zahtjeva za pokretanje postupka javne nabavke br. 01-2711-1/19, direktor Ustanove je donio Odluku o pokretanju postupka nabavke po konkurentskom zahtjevu za dostavljanje ponuda br. 01-2711-2/19 od 17.05.2019. godine. Postupak je objavljen na Portalu javnih nabavki BiH broj 1194-7-3-43-3-15/19 od 17.05.2019. godine, a poziv za preuzimanje tenderske dokumentacije sa Portala je upućen privrednim subjektima: „HDI“ d.o.o. Sarajevo, „Niwex“ d.o.o i „Herceg“ d.o.o. Srebrenik, dok je predmetnu tendersku dokumentaciju u sistemu „E-nabavke“ preuzelo 15 (petnaest), a izmjenu tenderske dokumentacije 8 (devet) privrednih subjekata.

Nakon prijema ponuda, Komisija za provođenje postupka javnih nabavki, imenovana Rješenjem br. 91/2019 od 07.01.2019. godine i Rješenjem o izmjenama rješenja o imenovanju Komisije za odabir najpovoljnijih ponuđača br. 1326/2019 od 04.03.2019. godine, konstatovala je da je blagovremeno ponudu predalo 6 (šest) ponuđača: „Mega-roll“ d.o.o – broj protokola 01-2872/2019-1, „Niwex“ d.o.o. - broj protokola 01-2894/2019-2, „GD Konstrukcije“ d.o.o. - broj protokola 01-2935/2019-3, „HDI“ d.o.o. - broj protokola 01-2937/2019-4, „Žaluzine style“ d.o.o. - broj protokola 01-2938/2019-5 i „Tehnometal“ d.o.o. - broj protokola 01-2963/2019-6.

Utvrđeno je da ponuda ponuđača „HDI“ d.o.o. ne ispunjava formalno-pravne zahtjeve tražene tenderskom dokumentacijom i ocijenjena je kao neprihvatljiva iz razloga što navedeni ponuđač nije dostavio 3 odgovarajuće potvrde o uredno izvršenim ugovorima, tačnije,



JAVNA USTANOVA ZA PREDŠKOLSKI ODGOJ I OBRAZOVANJE

„NAŠE DIJETE“ TUZLA

KREČANSKA BROJ 3, 75000 TUZLA

ID BROJ: 4209046740000 CENTRALA/FAX: +38735369920

n-dijete@bih.net.ba www.nasedijete.ba

dostavljene su 3 potvrde od kojih se 1 potvrda - br. 17-14-3404.4 od 25.02.2019. godine izdata od strane Stručne službe za zajedničke poslove Kantona Sarajevo, ne nalazi na spisku izvršenih ugovora koji je dostavio ponuđač „HDI“ d.o.o., a što je traženo tačkom 3.3.1. tenderske dokumentacije, tako da je ponuda ovog ponuđača ocijenjena neprihvatljivom i odbačena u skladu sa članom 68. stav (4) tačka i) Zakona o javnim nabavkama („Službeni glasnik BiH“ broj 39/14).

Planirana e-aukcija za ponuđače koji su ispunili tražene uslove zakazana je za dan 07.06.2019. godine. Aktivno učešće u e-aukciji su uzela 4 (četiri) privredna subjekta, a najbolja ponuda je ostvarena u iznosu od 19.200,00 KM bez PDV-a.

U skladu s navedenim, Komisija za javne nabavke je dostavila direktoru Zapisnik o pregledu i ocjeni ponuda br. 01-2711-6/2019 sa prijedlogom za izbor najpovoljnijeg ponuđača „Tehnometal“ d.o.o. Zenica u skladu sa članom 64. stav (1) tačka b) Zakonom o javnim nabavkama BiH.

U postupku donošenja ove odluke, posebno su cijanjene činjenice da je Komisija pravilno i potpuno izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz tenderske dokumentacije, te da je izbor izvršen u skladu sa Zakonom o javnim nabavkama („Službeni glasnik BiH“ broj 39/14), podzakonskim aktima i tenderskom dokumentacijom. Shodno tome, ugovorni organ je konstatovao da najpovoljniji ponuđač ispunjava uslove i da se ponuda uklapa u finansijska sredstva predviđena za ovu nabavku, te je iz tih razloga odlučeno kao u dispozitivu.

Pouka o pravnom lijeku:

Protiv ove Odluke može se uložiti žalba direktoru Ustanove u roku od 5 dana od dana prijema i ista se podnosi pismeno putem pošte ili direktno na protokol Ustanove u objektu „Pčelica“ u Tuzli, ul. Krečanska 3.

DOSTAVLJENO:

1. Ponuđačima
2. Spis
3. A/a



DIREKTOR

u [signature]
Karić Sanja, dipl. iur /

Broj: 01-2711-7/2019
Tuzla, 10.06.2019. god.

[Handwritten signature]